

**Житие преосвященнейшего  
Илариона, митрополита  
Суздальского, бывшего  
Флорищевой пустыни  
первого строителя**

Москва  
«Книга по Требованию»

УДК 93  
ББК 63.3  
Ж74

Ж74 Житие преосвященнейшего Илариона, митрополита Суздальского, бывшего Флорищевой пустыни первого строителя / – М.: Книга по Требованию, 2023. – 158 с.

**ISBN 978-5-518-09819-0**

**ISBN 978-5-518-09819-0**

© Издание на русском языке, оформление  
«YOYO Media», 2023

© Издание на русском языке, оцифровка,  
«Книга по Требованию», 2023

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Ксесію. Онъ же опечалися о томъ великою печалію; понеже отецъ его іеромонахъ Антоній заповѣда ему отнюдь браку не сочетатися, но въ монашескій чинъ облещися повелѣваше, онъ же, яко заповѣдь отчу преступивъ, сотворивъ тако. Егда же той юноша законному браку сочетася, аще и неволю, абіе начатъ съ супругою своею дѣвственное житіе проходить и чистоту душевную купно и тѣлесную храниша. Поживе убо съ супругою своею лѣто едино и полъ, и абіе супруга его преиде ко Господу. Братія же и сродницы, вскорѣ послѣ смерти супруги его, принуждаху вторымъ бракомъ ему сочетатися, онъ же весьма отречеса и не изволи.

Сіе же ему бракосочетаніе бысть прежде отца его въ царствующій градъ Москву взятія, понеже бо отецъ его, іеромонахъ Антоній, взятъ бысть въ царствующій градъ Москву по повелѣнію благочестивѣйшаго государя царя Алексія Михайловича во избраніе на патриаршій престолъ въ лѣто 7160 (1652 г.) по смерти святѣйшаго патриарха Іосифа: возвѣщено бо бысть о немъ, яко зѣло учителенъ и добродѣтельное житіе проходить. Избраша же тріе(хъ) таковаго сана достойныхъ, перваго новгородскаго Никона митрополита, втораго—сего іеромонаха Антонія и третяго—іеромонаха еще нѣкоего, и метнуша о нихъ жребій. И паде жребій на сего іеромонаха Антонія. Онъ же уступи сіе Никону, митрополиту новгородскому, понже убо старъ сый и болѣзнію объятъ бяше. Благочестивый же царь Алексій Михайловичъ одари его приличными дарамъ и отпусти его въ свою пустынь. Егда же сей іеромонахъ Антоній ѣхалъ изъ царствующаго града Москвы, и до-

стигши села Кирикова, идѣже самъ живяше прежде, разболѣвшися ту скончася о Господѣ. Предъ кончиною же своею, призвавъ къ себѣ юнѣйшаго сына своего Іоанна, егоже любяше, и глагола ему: „чадо любезное Іоанне! кому уже ты не ищи себѣ покоя на земли, ни богатства, ни славы, и да не прельстишися вторымъ бракомъ сочетатися, и да не възыщеша себѣ втораго отца на земли, но да будетъ ти отецъ единъ, иже есть на небесѣхъ, и учитель да будетъ ти единъ—Господь нашъ Іисусъ Христосъ, едиnorodный небеснаго Отца Сынъ, предводитель же да будетъ ти и покровитель единосущный и сопрестольный Отцу и Сыну Духъ пресвятый. Тому тебе, въ тріехъ ипостасѣхъ на небеси живущему, вручаю Богу; той тебѣ да будетъ упованіе, предводитель и покровитель. Еще тебе вручаю единѣй чистѣй и кадиальницѣ златой честнѣйшей божественнаго угля пламенегорящей и весь міръ кажденія своего благовоніемъ въ жизнь вѣчную благоухавшей, всѣхъ тварей, небесныхъ и земныхъ, высочайшей, по плоти же Матери Божіей, Дѣвѣ Богородицѣ Маріи; она тебѣ да будетъ покровительница и къ Сыну своему о тебѣ ходатайница“, и прочая. Изрече таковая и паки глагола ему: „да будетъ же на тебѣ отъ мене, худаго отца твоего, благословеніе, еже бы тебѣ во иноческій чинъ пострижися. Еще же заповѣдаю тебѣ въ маломъ нѣкоемъ монастырѣ или въ пустынѣ во иноческій чинъ пострижися, въ большія же обители отнюдь не дерзати“. И по благословеніи томъ подавъ миръ, скончася о Господѣ. Тогда сынъ его юнѣйшій Іоаннъ, о немже намъ предлежитъ слово, по скончаніи отца своего, іеромона-

ха Антонія, положи въ сердцѣ своемъ, еже бы волю отчу дѣломъ совершити, нежели вмѣсто благословенія души своей клятву навести; обаче пребысть тако до времени, дондеже на брадѣ его власи израстуть. И по малѣмъ времени братъ сего Іоанна первѣйшій, священникъ Петръ, изыде изъ дому отца своего, изъ того села Кирикова, нѣкіа ради вины, и преселися въ царствующій градъ Москву; поятъ съ собою и сего юнѣйшаго брата Іоанна. И поживе онъ, Іоаннъ, нѣколько время тамо, посланъ бысть онымъ братомъ своимъ, священникомъ Петромъ, наки въ отечествіе свое, въ село Кириково, нѣкоторыа ради potreбы. Іоаннъ же, по повелѣнію брата своего, пойде къ братіямъ своимъ со тшаніемъ, и, пришедъ, исполни повелѣніе брата своего; обаче не возвратися въ царствующій градъ Москву, но умедли тамо вины ради сицевыа. Клирикъ нѣкій, именованъ Василій, возвѣсти сему Іоанну о Флорищевѣ пустынѣ, глаголя, яко есть таковая пустыня въ гороховскихъ предѣлахъ, посреде лѣсу, на нѣкоторыхъ флорищевыхъ горахъ, и зѣло убо тамо монахи добродѣтельное житіе проходятъ и богоугодно жительствоуютъ. Юноша же сей, Іоаннъ, отъ словесъ того клирика распалися ревностію велію, еже бы въ той пустыни быти и тѣхъ пустынножителей своими очесы узрѣти, и абіе, возложася на волю Божию, пойде къ тѣмъ пустынножителемъ. Егда же пришедъ къ нимъ, обрѣте тамо токмо двѣ келліи, а въ нихъ пребывающихъ четырехъ монаховъ. Тѣ же пустынножителіе пріеста его, Іоанна, любезно, и предложивша, яже у нихъ обрѣташеся въ пустынѣ, трапезу и со благоговѣніемъ служяху ему. Пер-

воначальный же бѣ у нихъ тогда старецъ схимонахъ Меѳодій, святъ житіемъ и пророческаго дара исполненъ, сѣде со Іоанномъ и провидѣвъ его хотящаго быти сосудъ избранъ Святаго Духа: еже и бысть. Видѣвъ бо его смиренна и кротка и весьма благоразумна и искусства всякаго исполнена; совопрошающимъ имъ и бестѣдующимъ отъ божественнаго писанія о пользѣ душевной, и видѣвъ его въ божественномъ писаніи зѣло благоразумна и искусна, понеже бо сей юноша Іоаннъ изъ чрева матери своея Святаго Духа исполненъ бѣ, о чемъ мало здѣ нѣчто воспомянемъ. Егда бо отецъ сего Іоанна, еще бывый въ мірѣ священникомъ, Ананія начать его по третіемъ годѣ книгамъ учити, онъ же въ младыхъ лѣтахъ старческій разумъ возымѣ, единымъ лѣтомъ вся божественныя книги, яже есть дѣтямъ прилична, изучи, дадеся бо ему отъ Бога во младыхъ лѣтахъ умъ еже разумѣти писаніе. Сказоваше же въ церкви и стихиры по книгамъ, преходя отъ лика къ лику, инымъ книгу его преносящимъ, и вся божественныя книги чести, и на клиросѣ пѣти умѣяше, зѣло убо остроумень отрокъ и красноглаголивъ бысть, того ради и отецъ его священникъ Ананія любяше его. И сіе до здѣ. Мы же паки на первое да возвратимся.

По вкушенію у нихъ тому Іоанну хлѣба, воставше они, яко совершенніи вышняго Бога раби, благодареніе Господеви своему воздаша. И начать той старецъ Меѳодій ему Іоанну о душевномъ спасеніи глаголати, еже како святіи отцы, Господа Бога всѣмъ сердцемъ возлюбивше и добродѣтельно поживше, спасеніе получаши, еже бы и онъ Іоаннъ во иноческій чинъ облек-

шися имъ сожитель въ пустынѣ быти. Иоаннъ же отвѣщавъ тому старцу, глагола: „Богъ—вѣдый коегождо человекъ тайная сердца; воля Его святая да будетъ“. Помолчавъ же мало, паки глагола: „прежде убо мнѣ возвращшися подобаетъ у брата моего Петра въ царствующемъ градѣ Москвѣ быти, и повелѣнное ми отъ него совершити“. И паки глагола: „Господу Богу моему свидѣтельствующу и грѣшному мнѣ спомогающу, якоже воля Его святая да будетъ, желаніе имѣю паки къ вамъ возвратитися и во иноческій чинъ здѣ облещися и вамъ сожитель быти, аще воля Божія благоволетъ тако ми поспѣшити“. Старецъ же Меѳодій, слышавъ сіе, воста отъ мѣста своего борзо и воздвиже руцѣ къ небеси, глагола: „благословенъ Господь Богъ вседержитель; яко же реклъ еси, буди тако“. И мало посидѣвъ, паки глагола: „аще совершенно обѣщаешися приидти къ намъ, то мы тебе ради малую церковь возсоздати имамы“. Сіе же глагола старецъ, провидѣвъ его, Иоанна, велика предъ Богомъ хотяща быти, понеже бо откровенно ему о немъ бысть. Той же ювша пребысть у нихъ нѣколико дней, присматривающесе на добродѣтельное житіе ихъ, и паки отыде отъ нихъ къ братіямъ своимъ въ село Кириково. И, бывшему ему тамо, увѣдаша братія его о немъ, яко хочетъ отъйти отъ нихъ и во иноческій чинъ облещися, начаша соболѣзновати о немъ, яко о младомъ еще сущемъ, предлагающе ему заповѣдь отчу, егда на брадѣ власы возрастуть. Онъ же о семъ повинуся имъ; обаче поиде отъ нихъ паки къ первому брату своему Петру въ царству-

ющій градъ Москву и пребысть тамо нѣколикое время, упражняясь въ чтеніи божественнаго писанія.

Извѣствуется же и сіе о немъ, еже случилось ему отъ вражія коварства пострадати въ дому брата своего сицевое. Издревле ненавидяй рода человѣческаго злокозненный врагъ діаволь, яже въ рай свѣдію прельсти Еву, еюже Адама, дабы и Іоанново намѣренное доброе дѣло не по Возѣ производимо было, привнесе ему во умъ сицевое: еже бы ему вторымъ бракомъ сочетатися. Сіе же ему помысляющу и въ такомъ помыслѣ умедлившу, абіе нападе на очію его слѣпота. Онъ же, раскаявся о таковомъ неудобномъ помыслѣ, пріялъ отъ Бога очесемъ своимъ прозрѣніе. И паки о сочетаніи втораго брака начать помышляти; и абіе нападе на очію его слѣпота паче первыя, понеже бо восхотѣ его Богъ смирити и злую мысль отъ него отсѣщи по писанному: „бродами и уздою челюсти ихъ востягнени не приближающихся къ тебѣ“, и паки: „егоже бо любитъ Господь, наказуетъ, бьетъ же всякаго сына, егоже пріемлетъ“. Онъ же уразумѣ предъ Богомъ свое согрѣшеніе, еще же смотрѣніе Божіе о себѣ то помысли, ведущее его къ спасенію. Начать предъ Господемъ зѣло неутѣшно плакати и человѣколюбную угробу его умилоствляти, но никако же вскорѣ слезами своими Господа Бога возмогль умилоствити, той бо недовѣдомыми своими судьбами, якоже самъ вѣсть, аще и слышитъ, но не восхотѣ вскорѣ ему исцѣленія и помощи подати, да не како, пріемши скорую цѣльбу и паки обнадежився, на тую же мысль обратится, понеже той хочеть всемъ человѣкомъ спастися и въ ра-

зумъ истинный пріяти и ни единому же погибнути, вѣсть бо самъ, яко скоро прелогатальны суть помышленія чловѣческія на злое по писанному: „належитъ бо на чловѣка лукавая помышленія отъ юности его“. Іоаннъ же, видѣвъ на себѣ гнѣвъ Божій пребывающій, не восхотѣ въ томъ умелити, но восхотѣ о себѣ нѣкоего къ Богу ходатая пріобрѣсти, еже и бысть; умоливъ бо нѣкоего знаемаго чловѣка себѣ, еже бы пѣшева довелъ его живоначальныя Троицы въ Сергіевъ монастырь; той же знаемый сотвори послушаніе къ нему, отведе его въ той монастырь, и приведъ постави его у раки Сергія преподобнаго. Онъ же начать къ преподобному, аки къ живому суцу, слезы умилительны точащи въ молитвѣ своей сице вѣщати: „о угодниче Божій, святыи избранный преподобне отче Сергіе чудотворче! умилосердися надо мною грѣшнымъ и нецотребнымъ рабомъ твоимъ, помолися о мнѣ ко Господу Богу о моемъ согрѣшеніи, да подастъ ми тѣлесными очима, купно и душевными прозрѣти“ и прочая таковая глаголаше. Что же тамо бысть? О глубина божественныхъ дарованій, богатство славы! Абіе узрѣ явственно преподобнаго отца Сергія мощи, и ощутивъ себе, яко совершенно оздравѣ, и вся яже въ церкви добрѣ узрѣ и болѣе начать неутѣшно плакати, и яко заступника своего и исцѣлителя преподобнаго отца Сергія мощемъ кланяющесе до земли, любезно оня добызаше и его благодаряще, день же и ноць при гробѣ преподобнаго сотворивъ пребывавъ и теплыми слезами Владыцѣ своему благодарственныя мольбы возсылая, такожде и преподобному Сергію за исцѣленіе очесъ своихъ благодарственное воздавая. И

молебное пѣніе совершивше, послѣднее лобзаніе преподобнаго мошамъ давшє, отъидоша и въ слободѣ тамо у нѣкоего жителя: обнощєвашє, и абіє зрять во снѣ тоя ноци паки у преподобнаго Сергія у гроба себе стояти, и о прозрѣніи очесъ его прилежно молити, обѣщаніє же даєтъ во Флорищєвѣ пустынѣ добрѣ пожити, такожде и о приведшемъ друзѣ своемъ о томъ же моляше. И отвѣщавъ ему преподобный Сергіи изъ гроба, глаголя: „во Флорищєвѣ пустынѣ имаши жити, тамо же и азъ буду ти помогати“; на друга же его изъ гроба рукою указуя, глаголя: „сей будетъ тамо жити“. И скончася видѣніє. Онъ же, убудився отъ сна и воспрянувъ скоро, повѣда свое видѣніє приведшему другу своему и господину дома. Господинъ же дома глаголя ему: „благодать Божія бѣ съ тобою и молитвы преподобнаго отца Сергія“. И даде ему господинъ дома преподобнаго отца Сергія образъ. Онъ же пріять его любезно, яко самого того преподобнаго, и паки въ царствующій градъ Москву возвратися и поживє у брата своего Петра нѣколикое время, отъидє во градъ Коломну къ епископу Павлу, иже бѣ умерщія супруги его Ксеніи братъ единородный. Епископъ же Павелъ пріять его, Иоанна, любезно, и по малѣ времени облече его во иноческій ангельскій образъ въ лѣто 7161 (1653 г.) декемврія въ 11 день, аще ему и не хотящу, сказа бо ему вся по ряду, яко обѣщаніє даде предъ Богомъ и предъ Сергіємъ преподобнымъ во Флорищєвѣ пустынѣ во иноческій чинъ облещися. Павелъ же епископъ препре его, глаголя: „аще убо возымѣши во Флорищєвѣ пустынѣ жити, прежде убо подобаєтъ те-

бѣ монашескому житію навъкнута, тогда убо можешъ и во Флорищевѣ пустынѣ отшедь жъти“. Еще же и того ради сей юноша тому епископу повинуся, яко въ той Флорищевой пустынѣ іеромонаха не имѣлося, еже бы кому во иноческій чинъ тамо облещи его; въ постриженіи же той епископъ даде ему имя, вмѣсто Іоанна, Иларіонъ. Въ то время бысть ему отъ рожденія 22 лѣто и посвященъ бысть тѣмъ же епископомъ Павломъ во іеродіакона тогожде 7161 (1653 г.) марта 12 дня, и вручена ему была ризничая служба. Егда же той новопостриженный и новопосвященный во іеродіакона Иларіонъ, бывшій Іоаннъ, посѣтившій въ той Флорищевой пустынѣ еще бѣльцемъ тѣхъ пустынножителей, и возвращшися отъ нихъ вснзять въ царствующій градъ Москву поживе у брата своего Петра и во градѣ Коломнѣ у епископа Павла, тѣмъ временемъ тѣ пустынножители въ той Флорищевой пустынѣ содѣлавши церковь деревянную, во имя успенія пресвятыя Богородицы, присовокупиша же и придѣлецъ малый во имя преподобнаго Ефрема сирина. Егда же они ту церковь построили, тогда бысть имъ явленіе сипцевое.

Въ нѣкоторое время прилетѣвши отнѣкуду три птицы, именуемыя орлы, зѣло доброличны, и сѣдше на той новозастроенной и еще неосвященной церкви на крестѣ зѣло веселозрачна, якобы во образъ пресвятыя Троицы, Богу предзнаменующу хотящей быти тамо величій славъ Божіей возсіати, или рещи самому Господу Богу во образъ тѣхъ птицъ то святое мѣсто присѣтити; посидѣвши же ти орлы на той церкви, абіе подъяшася къ небеси прямо въ высоту и невидими бы-

ша. Тогда первоначальный старец Меодій исполнился благодати Святаго Духа, пророчески глаголаше къ брати сице: „сие убо мѣсто, братіе, хоцеть Богъ прославити, Троицы убо жилище хоцеть адѣ быти“, и прочая таковая глаголаше. Егда же той старецъ Меодій прежде тоя церкви строенія изшедъ изъ пустыни своея и начатъ отъ христолубивыхъ людей на то церковное зданіе милости просити, комуждо Господь Богъ по сердцу положить что преподати, глаголаху къ нему людіе: „кому у тебе, старче, въ пустынѣ церковь управляти? священника у тебе нѣсть; самъ же ты недостаточенъ; откуда кто можетъ священникъ къ тебѣ прійдти? Старецъ же, аще и не вѣдый о Иларіонѣ, яко въ монашескій чинъ облечеса, обаче обѣтъ къ Богу положенный при нихъ истиненъ надѣяшеса быти, глагола къ нимъ: „азъ не о священникѣ васъ прошу, но о милостыни; комуждо Богъ по сердцу положить, благоволите ми преподати, еже бы ми чимъ храмъ Господеви возсоздати; Той же вѣсть, откуда вамъ пресвитера послати; мы убо на Его прещедрую милость крѣпцѣ надѣемся, яко ниже во градѣ и весѣхъ, окрестъ насъ сущихъ, таковъ пресвитерь иматъ быти, какова намъ грѣшнымъ Богъ пошлетъ“.

Въ та времена нѣкоторіи людіе изъ града Гороховца и изъ Ераполча и изъ Мугрѣва за бортми ходяще и въ рѣкѣ Луху рыбу ловяще, и звѣроловители въ томъ лѣсу кождаху и слышаху часто звонъ великій и необычный показующеса имъ надъ тѣмъ мѣстомъ, идѣже нынѣ на той флорищевой горѣ монастырь стоитъ. Приходящии же глаголаху къ старцу: „кому у те-